



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 10. S. Theodori Opera.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

que in privato sumtu tuo; neque cum Ho-
spites recipis. Non recondas aurum in
Monasterio tuo, sed quidquid in unoquoque
genere redundabit indigentibus largire.
In œconomos & cellerarios curam rerum do-
mesticarum transferas, tibi curam anima-
rum reserves; rationem tamen uniuscu-
jusque administrationis exigas. Non fa-
cies vel ages quicquam in re ulla, sive ad
animam spectet, sive ad corpus ex iudicio
proprio. Sed aliorum iudicium duorum
vel trium, prout subjecta res postulat, ad-
hibebis. Ex his monitis dispicere licet,
qualis viris piissimis in Oriente vitæ Mo-
nasticæ Idea fuerit.

Eadem Doctrina deprehenditur in
Epistola Theodori ad Moniales, quæ
ab ipso aliqua oratione erudiri petie-
rant. Hortor vos itaque, inquit, non
ad ea quæ circumstant exempla intue-
ri, maxime vero non ad simulatam,
quam pleræque moniales præferunt, con-
versationem tepidam, sed ad egregia
exemplaria Sanctorum, quorum vitas ha-
betis præ manibus. Quandoquidem nec
pictor ex deformibus, sed ex decoris ima-
ginibus ac vetustate conspicuis imaginem
expresserit.

§. X.

S. Theodori Opera.

Cetera S. Theodori Opera, ut ea enu-
merat

Sæculum IX. merat Michael Studita, erant parva & magna Catechesis, Volumen panegyricum in dies Festos Domini, nec non Deiparae, & S. Joannis Baptistæ, Liber versibus jambicis de primis hominibus usque ad Noe & filiiis ejus, libri quinque Epistolarum, Liber Dogmaticus contra Iconomachos, & Institutiones ad Monachos suos versibus Jambicis. Habemus Catechesim parvam centum triginta quatuor sermonibus distinctam in dies Festos totius anni, & in alia pietatis Christianæ argumenta. Magna Catechesis est institutio amplior de officiis Monachorum necdum translata nec edita. At publicæ lucis factæ sunt ducentæ septuaginta quinque epistolæ in duos Libros divisæ, & integra collectio mille circiter epistolarum fuisse videtur. Item supersunt aliqua opera adversus Iconomachos, & centum viginti quatuor Epigrammata versibus Jambicis. Græci complures cantus suos Ecclesiasticos ipsi tribuunt.

n. 33.
Auct. Biblio.
PP. Paris.
 to. 2. p. 1280.
Elench. oper.

Antirrh. 11.
 n. 38.
 1. epist. 27.

1. ep. 38.

S. Theodorus Concilii Trullensis ubique reverenter mentionem facit, quod partem esse putaret Concilii Oecumenici sexti, quæ opinio omnibus Græcis communis erat. Verum de Concilio Niceano secundo in epistola ad Arsenium dicit: *Roma Synodum non habuit pro Oecumenica sed pro locali, & quæ proprium locorum istorum errorem emendasset.* Neque

que enim aliorum Patriarcharum Vica- Sæculum IX.
 rii erant, qui pro iis sedebant. Romani A. C. 826.
 autem non propter Synodum, sed ob aliam
 causam huc missi venerant; quare & de-
 positi, ut fertur, post reditum fuerunt ab
 eo qui miserat, quamvis coactos se fuisse
 causarentur. Alii quidem ex Oriente ad-
 fuerunt, sed a nostratibus persuasi & in-
 ducti non autem a Patriarchis missi, qui
 nihil hac de re, ne postea quidem sci-
 licet ob metum Arabum, sciverunt. Hoc
 autem idcirco faciebant homines no-
 stri, ut Hæresi ad hærentem populum faci-
 lius ad orthodoxam Fidem pertraherent,
 si persuasissent, Oecumenicam esse Syno-
 dum. Cum Theodorus in Oriente in
 hunc modum loqueretur, non est obstu-
 pescendi locus, in Francia Concilii Ni-
 ceni secundi Auctoritatem difficulter fuisse
 receptam. At vero hanc ipsam Syno-
 dum fuisse Oecumenicam Theodorus II. ep. 162.
 posteriore tempore professus est, nam 166. 72.
 in pluribus epistolis suis Oecumenicam
 vocat, & dicit, a quinque Patriarchis
 fuisse receptam. Tandem Petro Epis-
 copo Niceno reconciliationis suæ modum II. ep. 127.
 cum Nicephoro Patriarcha referens ait: vit. 120.
Dixerunt, nos a Tarasio descivisse, & S.
Concilium Nicenum secundum locale ap-
pellare, sed jam probavimus, & illum in
Sanctis Patribus a nobis haberi, & nos Sy-
nodum Oecumenicam verbis scriptisque
 con-

Sæculum IX. *confiteri. Licet uspiam aliquando quibusdam aliter responderimus; quæ quidem non oportet, sicut nec ea, quæ tum aliter acta fuerunt, nunc inquirere & refricare. Id enim tumultus causam præbet, nec ullum emolumentum affert.*

§. XI.

Concilium Romanum.

to. 8. p. 103. **R**omæ Eugenius Papa celebravit Concilium, cujus Decretum decima quinta Novembris, anno Imperatoris Ludovici decimo tertio, Lotharii decimo, Indictione quarta, nempe anno octingentesimo vigesimo sexto datum est. Adfuerunt cum Papa Episcopi sexaginta duo, omnes ex Italia & illis Provinciis, quæ Francis parebant. Primus erat Petronax Ravennas. Adfuerunt etiam Presbyteri octodecim, Diaconi sex, & complures Clerici. Theodorus Diaconus nomine Pontificis legit brevem sermonem, qui toti Constitutioni præfatione esset, eumque ex Concilio Gregorii secundi mutuaverat. Unde conjecturæ locus est, Romanos illa ætate nec orationem in promptu proferre, nec de sua penu quidquam depromere potuisse. Tum Canones triginta octo editi, plerique ad emendationem Clericorum spectantes. Presbyteros officium suum ignorantes Episcopus admoneat, & suspendat, ut tempus habeant, quo erudiantur, & si hæc

Snp. 1. XLI.

9. 39.

6. 4.